

## 3. gr.

Menntamálaráðuneytið setur skólanum námsskrá og reglugerð að fengnum til-  
lögum fræðsluráðs Reykjavíkur. Skal reglugerðin m. a. kveða á um kennslu- og  
námsskipan skólans, kennslumagn, námsmat, námsstig nemenda og réttindi þeirra  
til framhaldsnáms, þ. á m. til háskólanáms.

## 4. gr.

Ríkissjóður greiðir 60% af stofnkostnaði skólans, en 40% greiðast af Reykja-  
víkurborg.

Laun skólustjóra og kennslulaun greiðir ríkissjóður að fullu í samræmi við  
starfsáætlun, sem ráðuneytið og fræðsluráð samþykkja. Annar rekstrarkostnaður  
skiptist að jöfnu milli aðila.

## 5. gr.

Menntamálaráðuneytið og Reykjavíkurborg gera með sér sérstakan samning,  
þar sem m. a. skulu sett nánari ákvæði um stjórn skólans og skiptingu kostnaðar  
samkvæmt 4. gr.

## 6. gr.

Heimilt er menntamálaráðuneytinu að stofna til fjölbrautaskóla í samvinnu við  
önnur sveitarfélög, eitt eða fleiri, með því fyrirkomulagi og þeirri kostnaðarskipt-  
ingu, sem lög þessi gera ráð fyrir.

Nú gerir fræðsluráð tillögu um, að stofnað verði til starfsemi fjölbrautaskóla  
með sameiningu tveggja eða fleiri skóla í umdæmi þess, og er þá menntamálaráðu-  
neytinu það heimilt, hafi samningar tekizt um það með eignaraðilum skólanna.

## 7. gr.

Lög þessi öðlast þegar gildi. Jafnframt falla úr gildi lagaákvæði, er brjóta  
kunna í hága við þau.

*Gjört í Reykjavík, 13. apríl 1973.*

**Kristján Eldjárn.**

(L. S.)

*Magnús T. Ólafsson.*

## L Ö G

um lögreglustjóra í Hafnarhreppi í Austur-Skaftafellssýslu.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með sam-  
þykki mínu:

## 1. gr.

Í Hafnarhreppi í Austur-Skaftafellssýslu skal vera lögreglustjóri. Umdæmi hans  
er Hafnarhreppur.

Forseti Íslands veitir embætti þetta lögfræðingi, sem fullnægir lögmæltum skil-  
yrðum til skipunar í héraðsdómaraembætti.

**2. gr.**

Lögreglustjórinn hefur á hendi dómsvald, lögreglustjórn, tollgæzlu og innheimtu á tollum og gjöldum þeim, sem innheimtumönnum ríkissjóðs er ætlað að innheimta, notarialgerðir, yfirfjárráð svo og önnur málefni, er ákveðin verða í reglugerð.

Í Hafnarhreppi skal eigi vera hreppstjóri og skal lögreglustjóri annast störf þau, sem heyrt hafa undir hann.

Nánari reglur um starfssvið lögreglustjórans skulu settar í reglugerð.

**3. gr.**

Lög þessi öðlast gildi 1. janúar 1974.

*Gjört í Reykjavík, 13. apríl 1973.*

**Kristján Eldjárn.**

(L. S.)

*Ólafur Jóhannesson.*

**L Ö G****um happdrætti Dvalarheimilis aldraðra sjómanna.****FORSETI ÍSLANDS**

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

**1. gr.**

Heimilt skal Dvalarheimili aldraðra sjómanna að stofna happdrætti um bifreiðar, bifhjól, báta, búnaðarvélar, íbúðarhús og einstakar íbúðir, húsbúnað, hljóðfæri, búpening, flugvélar og farmiða til ferðalaga.

Verð happdrættismiða skal ákveðið af ráðherra, að fengnum tillögum frá stjórn Dvalarheimilis aldraðra sjómanna.

**2. gr.**

Drættir í happdrætti þessu skulu fara fram opinberlega í Reykjavík. Dregið skal mánaðarlega.

**3. gr.**

Heimild þessi gildir til ársloka 1984.

Ágóði happdrættisins skal renna í byggingarsjóð aldraðs fólks. 60% ágóðans skal þó varið til byggingar Dvalarheimilis aldraðra sjómanna. Heimilt skal þó stjórn Dvalarheimilis aldraðra sjómanna að veita styrk eða lán til annarra dvalarheimila aldraðs fólks.

**4. gr.**

Vinningar í happdrætti þessu skulu undanþegnir hvers konar opinberum gjöldum öðrum en eignarskatti á því ári, sem þeir falla.

**5. gr.**

Ráðherra setur með reglugerð nánari ákvæði um starfsemi happdrættisins, þar á meðal um endurskoðun ársreikninga happdrættisins og afhendingu fjárens til byggingarsjóðs aldraðs fólks.